

EKINN ALOJAMENDUA 2026. ALOJAMENDURAKO LAGUNTZETAN PARTE HARTZEKO OINARRIAK, DONOSTIA SUSTAPENAREN ENPRESA BERRITZAILEEN EKIMEN BERRIEN SORRERA, HAZKUNTZA ETA SENDOTZEA BULTZATZEKO PROGRAMEN ESPARRUAN

ATARIKOA

Donostiako Sustapen Sozietateak, Donostiako berrikuntza agentzia den aldetik, 2025ean sendotu egin du hiriaren berrikuntza erreferente bihurtzeko apustua, eta lankidetzan publiko-privatua, zerbitzuen pertsonalizazioan eta ezagutzan intentsiboak diren sektoreetan oinarritutako eredia izateko apustua.

Horrek esan nahi du pertsona, enpresa eta proiektu berritzaileei laguntzeko apustua egiten dela, zerbitzuen pertsonalizaziotik eta kalitatetik abiatuta, eta foku estrategiko argi batekin, hiriko berrikuntza ekosistema osatzen duten eragile publiko eta pribatuekin lankidetzan arituz, berrikuntza publikoa eta ekintzaitza berritzailea indartzeko, eta hiria hub berritzaile gisa proiektatzeko.

Testuinguru horretan, berrikuntza bultzatzea eta hiriko enpresa-proiektu berritzaileak haztea da Donostiako Sustapena hiriaren garapenerako oinarri gisa garatzeko lehenetsunetako bat.

Gaur egun, 15.400 enpresa baino gehiagoko enpresa-parkea du hiriak, hau da, 81 enpresa/1.000 biztanleko. Horrela, Donostia da Espainian enpresa dentsitate handiena duen laugarren hiria, Bartzelona, Madril eta Valentziaren atzetik, eta beste hiriburu handi batzuen aurretik, hala nola Malaga, Sevilla edo Bilboren aurretik.

Donostiako enpresa parkearen bilakaerari erreparatuz gero, nabarmentzekoa da Ezagutzako Zerbitzu Intentsiboak (SEIC) hiriaren motor ekonomiko gisa finkatu direla. Sektore horrek 6.300 establezimendu baino gehiago zituen 2024an, eta udal BPGari % 48 egiten zion ekarpena. SEICen gero eta garrantzi handiagoak, beste faktore batzuekin batera, erraztu du Donostiako AENak (Jarduera Ekintzailearen Tasa) hazkunde jarraitua izatea 2018tik, eta 2024an azken historiako mailarik altuena lortzea, % 7,9.

Aldi berean, hiriak enpresa txikiak nagusi diren enpresa-sarea izaten jarraitzen du; izan ere, ehunaren % 71,9 1-2 langileko enpresak dira, eta % 91,3k 1-9 langile dituzte.

Erronka horiei erantzuteko, besteak beste, 2025ean Donostiako Sustapenak berrikuntzaren eta ekintzaitzaren aldeko apustu estrategikoa indartu zuen, 6 milioi euroko zuzkidurarekin. Hala, 972 pertsonak (% 51,4 emakumeak eta % 45 35 urtetik beherakoak) parte hartu dute ekintzaileei laguntzeko zerbitzuetan 2025ean. Babestutako 224 proiektu ekintzaile berrietatik, gutxi gorabehera erdiak oso berritzaileak dira (% 51), eta Donostiako Sustapenak ezagutzan eta biozientzietan intentsiboak diren zerbitzuen sektoreetarantz duen estrategia islatzen du.

2026an, Donostiako Sustapenak hirian enpresa proiektu berriak sortzen laguntzearen alde egiten jarraitzen du, hazkunde ekonomikoaren eta tokiko enplegua sortzeko motor gisa.

Horregatik, Donostia Sustapenak zenbait programa eta neurri jarri ditu abian, alde batetik, enpresa ehun berritzailea bultzatu eta indartzeko, eta, bestetik, enpresa proiektu berritzaile berriak garatzeko, betiere hiriaren hazkunde lehiakorra bere I+G ekosistemari esker bultzatzeko xedearekin.

Ekintzailletza berritzaileko ekimen berriak eta gizartean eragina duten ekimen berritzaile berriak erakartzeko eta atxikitzeko, eta talentu berritzaileari harrera egiteko planaren esparruan, **EKINN ostatuari** ematen zaizkio **laguntza** horiek, proiektu eta ekimen berritzaile horiek Donostia garatzeko, hazteko eta enplegua eta aberastasuna sortzeko lekua izan behar duela erabaki dezaten errazteko eta bultzatzeko.

Laguntza berritzaile horiek, aldi berean, EKINN eraikinean gauzatzeko planteatzen dira, batez ere, baina Talent House eraikinean ere izan daitezke, eta aldi baterako izango dira, Donostiako Sustapenak ekintzailletza berritzaileko proiektuak bultzatzeko estrategiaren eta talentu gaztearen garapen profesionalerako proiektuak bultzatzeko strategiaren esparruan abiarazten dituen programei jarraituz.

XEDAPENAK

1. ARTIKULUA. XEDEA

EKINN ostaturako laguntzen helburua da Donostian ostatuarekin laguntzea Donostiako Sustapeneko programetan parte hartzen duten pertsonei, talentu ekintzailea izaera berritzailearekin erakartzen eta atxikitzen laguntzeko, Donostian start-upak sortzea, haztea eta finkatzea bultzatzeko, bai eta gure hirian gazteak berak sustatutako proiektu eta ekimen berritzaileak garatuko dituzten gazteei ere, baldin eta hirian edo Donostiako herritarren artean antzemandako erronka edo behar bati erantzuten badiote.

Donostiako Sustapeneko ekintzailera berritzaileko programetan parte hartzen duten ekintzaileei eta gure hirian eragin soziala duten proiektu berritzaileak garatzeko Donostiako Sustapeneko programetan parte hartzen duten gazteei ostatu emateko laguntza bat da.

2. ARTIKULUA. BALIABIDE EKONOMIKOAK

Donostia Sustapenak HAMASEI MILA (16.000) euro bideratuko ditu Alojamenurako EKINN Programara. Zenbateko hori aldatu egin daiteke Donostia Sustapenak horrela erabakiz gero.

3. ARTIKULUA. PERTSONA ONURADUNAK

Laguntzaren pertsona onuradun modura hartuko da laguntza ematea ekarri zuen jarduera egin behar duen hura, edo laguntza ematea legitimatzen duen egoeran dagoen pertsona, betiere, Oinarri hauetan jasotzen diren betekizunak betetzen baditu eta, espezifikoki, laguntza mota bakoitzarekin lotutakoak.

Pertsona onuradun izan ahalko dira pertsona fisiko edo juridikoak, publiko zein pribatuak, nazional edota atzerrikoak, eta baita aurrekoen izaerarik gabeko elkarteak ere, Oinarri hauetan ezarritako betekizunak jasotzen dituen ordenamendu juridikoaren arabera modu baliozkoan eratu baldin badira. Kanpoan geratzen dira ondarezko sozietateak, Gipuzkoako Lurralde Historikoko Sozietateen gaineko Zergari buruzko urtarilaren 17ko 2/2014 Foru Arauko 14. artikuluan zehazten direnak.

Oinarri hauetan dagozkion laguntzak eskatzeko beharrezkoak diren betekizunak eta horiek egiaztatzeko moduak zehaztuko dira. Edozein kasutan, Diru-laguntzen Lege Orokorreko (aurrerantzean, DLLO) 13. artikuluan aurreikusitakoa bete beharko da, ondorio hauetarako aplikagarritzat jotzen dena berariaz.

Ezingo zaie laguntza pertsona fisiko edo juridikoei eman:

- Indarreko xedapenek agindutako zerga-betebeharrak eta Gizarte Segurantzakoak betetzen ez badituzte.
- Ebazpen irmoz dirulaguntzak edota laguntza publikoak jasotzeko aukeraren galararekin zigortuak badaude, edo horretarako ezgaitzen dien legezko debekuren bat badute, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duen martxoaren 16ko Legegintzako 1/2023 Dekretuko 23.2 artikuluan xedatzen denaren arabera sexu-arrazoien ondoriozko diskriminazioagatik zigortuak badaude barne; era berean, ezingo dira horien onuradun izan pertsona fisikoak edo onuradunak sexuagatiko diskriminazioagatik edo emakumeen eta gizonen berdintasunaren arloko araudia ez betetzeagatik administrazio- edo zigor-zehapena jaso badu kasuan kasuko zehapenean ezarritako aldian. Estatuko araudiaren arabera berdintasun-plan bat indarrean edukitzeko betebeharrarekin, halakorik ez duten enpresek ere ezingo dute laguntzarik edo dirulaguntzarik jaso, ezta Estatuak emakumeen eta gizonen berdintasun arloan legeriaz ezarrita dituen baldintzetan sexu-jazarpena, sexu-arrazoien ondoriozko jazarpena eta sexu-indarkeriak prebenitu eta hari aurre egiteko neurriak ezarri izana egiaztatzen ez duten 50 langiletik gorako enpresek ere.
- Donostiako Udalarekin edota Donostiako Sustapenarekin zorrak baldin badituzte.
- Aldez aurretik emandako laguntzak, osorik edo zati batean, itzultzeke badituzte, itzultzeko zenbatekoa ordaindu izana egiaztatzen ez den bitartean.

Herri Administrazioen Administrazio Prozedura Erkidearen urriaren 1eko 39/2015 legeko 28.2. artikuluan xedatutakoarekin bat etorriz, interesdunek eskubidea dute jadanik Administrazio jardulearen eskuetan dauden dokumentuak edo beste edozein administrazio egindakoak ez helarazteko. Gainera, administrazio jarduleak aukera izango du dokumentu horiek behatu edo biltzeko, interesdunak horrekiko aurkakotasuna azaldu ezean. Kasu horretan, ziurtagiriak helarazi beharko lituzke.

Donostia Sustapenak, Donostiako Udalaren jabetzako elkarreragingarritasun-aplikazioaren bidez, zuzenean kontsultatuko die eskumeneko herri-administrazioei jarraian adierazten den informazio hau, prozedura hau ebatzi eta ordaintzeari begira:

- Udalarekin eta Donostia Sustapenarekin ordainketa egunean izatearen ziurtagiriak.
- Foru Ogasunarekin ordainketa egunean izatearen ziurtagiriak.
- Pertsona onuradunaren eta pertsona sustatzaileen Jarduera Ekonomikoen gaineko Zergaren (JEZ) historia
- Gizarte Segurantzarekin ordainketa egunean izatearen ziurtagiria.

Diru-laguntza eta ordainketa ezberdinak eskatzen dituzten unean Udal Diru-bilketa, Foru Ogasun edota Gizarte Segurantzarekiko betebeharrak egunean ez dituzten pertsona onuradunek HAMAR (10) egun balioduneko epean, jakinarazpenetik zenbatzen hasita, betebeharrak hori egunean izatea egiaztatatu beharko dute.

4. ARTIKULUA. PERTSONA ONURADUNEK DEIALDI HONETAN PARTE HARTZEKO BETE BEHARRAK DITUZTEN BETEKIZUNAK

Honako betekizunak bete beharko dituzte pertsonak:

- a) Bi aukera hauetakoren baten onuradun izatea:
- Donostia Sustapenak ekintzailtza berritzaileko proiektuak erakarri eta atxikitzeke abiatutako programetako onuradun izatea, betiere, programa horietan hala zehazten bada, besteak beste:
 - Explora SS programa
 - Ekinn Egoitzak Programa
 - Gastro Egoitzak Programa
 - Donostia Sustapenak laguntzen dituen beste ekintzailtza-programa batzuk.
 - Donostiako Sustapenaren programak, gazteek gure hirian eragin soziala duten proiektu berritzaileak gara ditzaten.

Donostia Sustapenak aukera izango du laguntza horiek barneratzeko deialdi honen ondoren abiatzen dituen beste programa batzuetan. Kasu horretan, programa horietan alojamendurako EKINN laguntza hauetan sartu izana adierazi beharko da.

- b) Donostia Sustapenarekin alokairu-kontratu bat sinatzea
- c) Dagokion fidantza ordaintzea
- d) Banku-helbideratze bidez garbiketari dagozkion gastuak edo, beharrezkoa balitz, bestelako aparteko gastuak ordaintzea, behin egonaldia amaituta.
- e) Parte hartzen den eta laguntza hauen deialdian sartzeko aukera ematen duen programako betebeharrak guztiak betetzea.
- f) Parte hartzen den programaren eta laguntza-deialdi honetan sartzeko betebeharrak bakoitza betetzea, bai eta alokairu-kontratuaren baldintzak eta betebeharrak betetzea ere.

Edozein betebeharrak urratuz gero, Donostia Sustapenak eskumena izango du laguntza hauek ezeztatze berehala, ez-betetze horretatik erator litezkeen kalte-ordainak eskatzeaz gain.

5. ARTIKULUA. DIRUZ LAGUNTZEKO KONTZEPTUAK ETA LAGUNTZEN ZENBATEKOA

Laguntza EKINN edo Talent House eraikinetan, estudio estandar batean, doako alojamendu-zerbitzua da, astean 210 euroan balioetsia, BEZ barne.

Sustapenak zehaztuko du alojamenduaren lekua, aukera hauekin: San Bartolome 16 gainean lekutzen den EKINN eraikina (20.009 posta-kutxa) edo Baenako Dukearen Pasealekuko 42 zenbakian (20.009 posta-kutxa) lekutzen den Talent House eraikina.

Gehienezko laguntza eta egonaldia kasu bakoitzaren arabera erabakiko da, eta dagokion programaren iraupenarekin bat etorriko da.

Edozein kasutan, Sustapenak proiektu jakin batzuetarako, adierazitako gehienezko hori aldatu ahal izango du modu ezohikoan, beharrezkotzat jotzen badu.

Donostia Sustapenak programari dagozkion baldintzak aldatzeko eskubidea gordetzen du, edozein arrazoi dela medio, egokitzat jotzen badu.

6. ARTIKULUA. BESTE LAGUNTZA BATZUEKIN BATERA EMATEA.

Laguntza hauen emakida da bateragarria izango da xede berdinerako emandako beste edozeinekin, horiek edozein administrazio edo erakunde publiko edo pribatuetatik, nazionaletatik, Europar Batasunetik edo nazioarteko organismoetatik iristen direla ere; betiere, baldintza hauek betetzen badituzte:

Laguntza horien azken hartzaile guztiek, bai jarduera ekonomikoa egiten duten pertsona fisikoek (autonomoek), bai pertsona juridikoek, nahitaez bete beharko dituzte Europako Batzordearen 2023ko abenduaren 13ko 2023/2831 (EB) Erregelamenduan ezarritako baldintzak eta mugak laguntza horiek emateko (erregelamendu hori Europar Batasunaren funtzionamenduari buruzko Tratatuaren 107. eta 108. artikulua *de minimis* laguntzei aplikatzeari dagokio).

Hori horrela, azken hartzaile bakoitzari eman ahal izango zaizkion *de minimis* laguntzen zenbateko osoa ezingo da izan 300.000 €-tik gorakoa hiru ekitaldi fiskaleko edozein alditan. Ondorio horietarako, araubide honen eraginpean daudenek erantzukizunpeko berariazko adierazpena aurkeztu beharko dute hiru ekitaldi fiskaletan jasotako laguntzei buruz, dagokion ekitaldi fiskalean eta aurreko bi ekitaldi fiskaletan dagokion muga kuantitatiboa betetzeari dagokionez. Zenbaketa horretarako, laguntza emateko unea hartuko da kontuan.

Dirulaguntza emateko ebazpenean, dirulaguntza gordinaren zenbatekoaren baliokidea jakinaraziko zaio onuradunari, *de minimis* mugaren ondorioetarako.

7. ARTIKULUA. ESKAERAK ETA AURKEZTEKO DOKUMENTAZIOA.

Laguntza honen deialdia dirulaguntzen Datu Base Nazionalean argitaratuko da eta, gerora, haren laburpen bat argitaratuko da Gipuzkoako Aldizkari Ofizialean. Laguntza-eskaerak laburpena Gipuzkoako Aldizkari Ofizialean argitaratu eta hurrengo egunetik aurrera aurkeztu ahal izango dira, eta **deialdia amaitu arte, 2027eko Maitzarren 31ean**.

Behin eskaerak egiteko epea amaituta, soberakinik baldin badago edo zuzkidura ekonomikoa areagotzen bada, eta Donostia Sustapenak egokitzat jotzen baldin badu, eskaerak egiteko epea luza dezake oinarri hauek aldatuta (kasu horretan dagozkion bideetan argitaratuko da).

Eskaerak modu telematikoan aurkeztu beharko dira Donostia Sustapenaren webgunearen bidez (www.fomentosansebastian.eus).

Eranskinak osorik bete beharko dira eta behar bezala sinatuta egon beharko dira.

Edozein informazio edo kontsultarako 943 482800 telefono-zenbakian edo fomentoss@donostia.eus helbide elektronikoan artatuko da, azken horretan zera adierazi beharko da gai modura: “Alojamendurako EKINN laguntzak”

Eskaera egiteko dagokion inprimakiarekin batera, eskatzen den administrazio dokumentazio guztia atxikiko da, eta baita dokumentazio tekniko eta ekonomikoa ere.

Administrazio dokumentazioa:

- **Eskaeraren Eranskina**
- Pertsona fisikoaren kasuan, **eskatzailearen NAN** agiriaren kopia.
- Pertsona juridikoaren kasuan, **eskatzailearen IFK zenbakiaren** kopia eta, hala badagokio, pertsona ahalordearen NAN agiria.

Onuradun den pertsonak egindako erantzukizunpeko adierazpen guztien nahiz aurkeztutako gainerako dokumentazioaren egiazkotasunaren gaineko erantzukizun osoa hartzen du bere gain.

Pertsona interesatuek Donostia Sustapenaren programaren batean parte hartzeko dokumentu horietakoren bat aurkeztu baldin badute alde zuzenetik, ez da beharrezkoa izango atal honetan eskatzen den dokumentazioa berriro aurkeztea, baldin eta dokumentazio horrek indarrean jarraitzen badu eta haren datuak aldatu ez badira.

Diru-laguntza eta ordainketa ezberdinak eskatzen dituzten unean Udal Diru-bilketa, Foru Ogasun edota Gizarte Segurantzarekiko betebeharrak betetzeke dituzten erakundeek hori betetzen dutela egiaztatu beharko dute. Horretarako, Donostia Sustapenak zuzenketa-jakinazpena bidaliko du.

8. ARTIKULUA ESKATZAILEEN AKATSAK KONPONTZEA.

Donostia Sustapenak dokumentazio osoa berrikusi ostean hura osagabe dagoela edo dokumenturen bat falta dela ikusten bada, pertsona eskatzaileari eskaera egingo zaio falta den dokumentazioa gainera dezan edo beharrezkoak diren dokumentuak gainera ditzan **HAMAR (10) egun balioduneko** epean, hala egin ezean, bestelako izapiderik gabe, eskaera horretatik baztertua izango dela eta horren ondoriozko ebazpena emango dela adierazita. Administrazio dokumentazioa nahiz laguntza honen dokumentazio espezifikoak konpontzeko aukera izango da. Donostiako Sustapenak proiektuko memoriari buruzko argibideak eskatu ahalko ditu, komenigarritzat jotzen badu.

Akatsen zuzenketa horiek pertsona onuradunak harremanetarako posta elektronikoa modura ematen duen helbide elektronikoz jakinaraziko dira. (JAKINARAZPENETARAKO HELBIDE ELEKTRONIKOA). Edozein kasutan, jakinarazpen horiek eskuragarri egongo dira web-aplikazioan, pertsona edo erakunde eskatzaile bakoitzaren espedientean.

Akatsa zuzentzeko eskatutako dokumentazioa hasierako eskaera egiteko baliatutako bide bera erabiliz aurkeztuko da. Posta elektronikoz aurkeztutako justifikazioak ez dira onartuko.

Laguntzak Donostia Sustapenak emandako berariazko ebazpen bidez eman edo ukatuko dira eta posta elektronikoz jakinaraziko da. Jakinarazpenak, era berean, eskuragarri izango dira web-aplikazioan, espedientearen barruan.

9. ARTIKULUA. LAGUNTZAREN IZAPIDEA ETA EBAZPENEA

Eskaerak sarrera-erregistroko hurrenkeraren arabera ebaluatu eta ebatziko dira, baliabide ekonomikoak agortu arte.

Eskaera bat onar dadin, pertsona eskatzaileak onuradun izan beharko du eta, horrenbestez, Alojamenturako EKINN laguntza hauetan sartzeko aukera ematen duten programetako batean aldeko ebazpena jasota izan behar du.

Eskatutako laguntzaren ebazpena igortzeko epea hilabete batekoa (1) izango da eskaera formalizatzen den egunetik zenbatzen hasita. Epe horretan ez dira kontuan izango administrazio dokumentazioko akatsak konpontzeko epeak. Laguntza ematearen ebazpena hitzartutako epean ez igortzeak ez du suposatuko haren emakida.

Laguntza Donostia Sustapenak emandako berariazko ebazpen bidez eman edo ukatuko da.

Ebazpenak posta elektronikoz jakinaraziko zaizkie pertsona eskatzaileei “Jakinarazpenetarako Helbide Elektronikoa” modura Eskaeraren Eranskinean helarazten den helbide elektronikora; web-aplikazioan ere eskuragarri izango dira, espedientearen barruan.

Igorritako ebazpenarekin desadostasuna izanez gero, alegazioak aurkeztu ahal izango dira, gehienez, hilabete epean, ebazpen hori ematen den egunetik zenbatzen hasita. Horretarako, Donostia Sustapenarekin jarri beharko da harremanetan eta hark emango du izapidetzea egiteko jarraitu beharreko prozeduren berri. Donostia Sustapenak erabakitzen duenari jarraituko zaio eta, hala badagokio, bi alderdiak Donostiako Epaitegi eta Auzitegien jurisdikzioaren mende jarriko dira.

10. ARTIKULUA. DIRUZ LAGUN DAITEZKEEN GASTUAK

Diruz lagun daitezkeen gastuak izango dira Donostia Sustapenaren EKINN edo Talent House eraikinetako alojamentuari dagozkion alokairu-gastuak.

Diruz lagun daitezkeen gastuak gauzatzeko epea laguntza honen ebazpenean zehazten dena izango da, talentu ekintzailea erakarri eta atxikitzeko onartutako programarekin bat etorriz.

Alojamendua justifikatzeko fakturak Donostia Sustapenak igorriak izango dira, eta onartutako alojamentuaren epealdiarekin bat etorriko dira.

Laguntza EKINN edo Talent House eraikinetan alojamenduak eragingo duen gastuaren baliokide izango denez, faktura guztiak automatikoki ordainduta geratuko dira laguntza hauen bidez.

Honako hauek ez dira diruz laguntzekoak izango, eta fakturatu eta laguntza hauen onuraduna den pertsonak ordaintzekoak izango dira:

- . Erabilitako apartamentuaren azken garbiketari dagozkion gastuak.
- . Egonaldian zehar sor daitezkeen aparteko beste zenbait gastu.

11. ARTIKULUA. PERTSONA ONURADUNEN BETEBEHARRAK.

Laguntza horien onuradun diren pertsonak Diru-laguntzen Lege Orokorreko 14. artikuluan jasotzen diren betebeharrak hartuko dituzte beregain, ondorio hauetarako aplikagarritzat jotzen dena berariaz, betebeharrak hauek aipatzen (zerrenda modura eta ez mugatzaile modura) direlarik:

- Ekarpena diruz lagundutako jarduerak burutzera bideratzea.
- Donostia Sustapenak berariazko baimena eman ezean, aurkeztutako proiektuaren baldintzak errespetatu eta betetzea.
- Diruz lagun daitezkeen gastuak justifikatzeko eskatzen den dokumentazioa ezarritako moduan eta denboran aurkeztea.
- Jasotako laguntzak aplikatzea justifikatzeko dokumentuak gordetzea, egiaztatu edota ikuskatu daitezkeen bitartean eta, edozein kasutan, aplikagarri den araudian ezartzen den epean zehar.
- Proiektuak dituen jardueren gastu edo diru-sarrerak osorik zenbatzea.
- Kontabilitateko liburuak behar bezala osatzea, horretarako betebeharrak dagoenean.
- Zerga-betebeharrak eta Gizarte Segurantzarekikoak egunean izatea.
- Laguntzak emateko kontuan izan den edozein inguruabar, subjektibo nahiz objektibo, aldatu bada, Donostia Sustapenari horren berri ematea.
- Emandako laguntzekiko dituen zereginak betetzeko Donostia Sustapenak eskatzen duen informazio oro helaraztea.
- Donostia Sustapenari helburu berarekin jasotako bestelako diru-laguntza, laguntza, diru-sarrera edo baliabide batzuen berri ematea.
- Donostia Sustapena aipatzea laguntza hauen xede diren proiektuak sustatu eta hedatzeko jarduketetan, bere irudi instituzionala zein dagokion irudi-testua gaineratuz komunikaziorako erabiltzen diren euskarrietan (web-orrialdea, kartelak, posta elektronikoen bidalketa, etab.)
- Donostia Sustapenak laguntza hauen xede diren proiektuen jarraipena eta ebaluazioa egiteko deitzen dituen bilkura guztietara bertaratzea.
- Jasotako laguntzarekin lotuta Donostia Sustapenak dei ditzakeen jardunaldietan parte hartzea (proiektuen aurkezpena, jarduerak, emaitzen jarraipena, etab.).
- Donostia Sustapenari laguntzen xede den proiektuan aurkeztutako baldintzak aldatzen dituen edozein inguruabarren berri ematea.
- Hala badagokio, Donostia Sustapenarekin kolaboratzea finantzaren kontrol eta egiaztapenerako burutu ditzakeen esku-hartzeetan, haren eskura eskatzen zaion informazio eta dokumentazio guztia ipiniz.

- Laguntzaren xede den jarduera egiteko beharrezkoak liratekeen lizentzia edo baimen guztiak izatea.
- Oinarri hauetako 3. eta 4. artikuluetan adierazitako betekizunak betetzea.
- Donostia Sustapena baimena ematea, I+G+b enpresa eta agenteen direktorio digitaletan, harremanetarako datuak, jarduerari dagozkion datuak, izen komertziala, logotipoa, marka eta pertsona onuradunak trafiko ekonomikoan erabilitako beste edozein ikur argitara dezan. Horretarako, pertsona onuradunak Donostia Sustapenari elementu horien gainean ustiapenerako lizentzia bat emango dio, adierazitako helburuetara mugatua, eta hark modu baketsuak erabiliko duela bermatuko da.
- EAEko hizkuntza ofizialen erabilera bermatzea (euskarari lehentasuna emanez) komunikaziorako euskarrietan (webguneak, gizarte-sareak, posta elektronikoen bidalketak, megafonia, etab.) sustapen eta hedapenerako materialen edizioan, antolatutako jardunaldi eta ekitaldien hizkuntza erabiltzean, etab.
Pertsona onuradunek aukera izango dute Donostiako Udaleko Euskara Zerbitzuari aholkularitza eskatzeko testuen itzulpenak egin eta horiek zuzentzeko (gehienez hilean 1.000 karaktereko itzulpenak, eta zuzenketen kasuan gehienez 9.000 karaktere), betiere, zerbitzuaren betekizun eta ezaugarriak betetzen badira.
<http://www.donostiaeuskaraz.eus/euskaraz/dirulaguntzak/lang/es>

12. ARTIKULUA. ITZULKETA

Pertsona fisiko edo juridiko onuradunak jaso zukeen laguntza ekonomikoa itzuli egin beharko du, diruaren interes legala gaineratuta (emandako kopuruen ordainketa egin den unetik aurrera), egoera hauetako edozeinetan:

- Oinarri hauetan aurreikusten diren betebeharrak modu larri edota errepikatuan urratzea. Ez-betetze larri edota errepikatu modura ulertuko da oinarri hauetako betebeharrak bat edo zenbait behin baino gehiagoan ez betetzea; helarazitako edozein datu, ziurtagiri, txosten edo dokumentazioaren faltsutasun edo faltsifikazioa; edota oinarri hauen esparruan jasotako laguntza, osorik edo zati batean, aurreikusitakoaz aparteko helburu batera bideratzea.
- Laguntzaren jomuga oinarri hauetan aurreikusitako moduan justifikatzeko betebeharrak urratzea, edota behar bezala ez justifikatzea.
- Onuradunaren jardueraren gainean egin litezkeen egiaztapen eta ikuskapen esku-hartzeen aurrean uzkur, aitzakiaz, buxaduraz edo ezkor agertzea, eta baita kontularitzako, erregistrozko edo dokumentuak gordetzeko betebeharrak ez betetzea horren ondorioz emandako ekarpenei emandako erabilera, finantzatutako jardueren errealitatea eta erregularitasuna, edo helburu berdinekin edozein administrazio edo erakunde publiko edo pribatuen, nazionalen, Europar Batasuneko edota nazioarteko erakundeen aldetik jaso ahal izan diren diru-laguntza, laguntza, diru-sarrera edo baliabideak egiaztatzea ezinezkoa denean.
- Jarduerak neurritz gaineko finantzazioa jaso z gero, neurritz gain finantzatu den zenbatekoan.
- Kontratua etetea objektibotzat jotzen ez diren edo enplegatzaileari ez dagozkion arrazoiaren ondorioz.

Aurrekoa kontuan izanik, laguntza hauen onuradun izateko eskatzen diren betekizunak uneoro bete eta mantendu beharko dira. Bestela, Donostia Sustapenak aukera izango horien itzulketa eskatzeko aurreko lerroaldeetan zehaztutako baldintzetan. Halaber, ez-betetzearen kasu larriagoetarako, esate baterako, datuak faltsutzea edo jasotako laguntza, osorik edo zati batean, desbideratzea, Donostia Sustapena SA sozietateak eskumena izango du emandako laguntza bertan behera uzteko eta, hala badagokio, jasotako zenbateko guztien itzulketa erabakitzeko, eta gainera, jasotako zenbatekoaren halako bost ordaintzeko eskatu ahal izango du.

Laguntza itzuli egin beharko da, Donostia Sustapena SA sozietatearen aldetik eta onuradunari igorrita, jarraian deskribatzen diren baldintzekin, Oinarri hauetan ezarritako arazoietakoren bat gertatu dela frogatuz gero.

Itzulketa laurogeita hamar egun naturalen barruan egin beharko da, Donostia Sustapena SA sozietateak onuradunari artikulua honetan itzulketa egiteko aurreikusten diren arazoietakoren bat gertatu dela adierazteko jakinarazpena burofax bidez igortzen dionetik.

Halaber, eta aurreko lerroaldeetan hitzartutakoaz gain, Donostia Sustapena SA sozietateak eskubidea gordetzen du oinarri hauetan ezarritako betebeharren bat zabarkeriaz urratu duten edo fede onaren funtsezko arauak urratzea ekarri duen jokabidea izan zuten pertsona fisiko edo juridikoei Donostia Sustapena SA sozietateak eskainitako beste edozein laguntza edo onuretan parte hartzea ekiditeko BI (2) URTEKO epez.

13. ARTIKULUA. DATU PERTSONALEN BABESA

Datuak babesteko indarreko araudian ezartzen denaren arabera, helarazten dizkiguzun datu pertsonalak Donostiako Udalak tratatuko dituela jakinarazten da, Tratamenduaren arduradun modura jardungo duena, Donostia Sustapena S.A. sozietateak kudeatutako informazioa izanik tratamenduaren arduradun izaeran.

Tratamenduaren xedea laguntza-eskaera izapidetu eta kudeatzea da.

tratamenduaren zilegitasuna DBEO erregelamenduko 6.1.e) artikuluan oinarritzen da: tratamendua ezinbestekoa da interes publikoan edo tratamenduaren arduradunari emandako ahal publikoak gauzatzean burututako misioa betetze aldera: 7/1985 Legea, apirilaren 2koa, Toki Araubidearen Oinarriei buruzkoa; 2/2016 Legea, apirilaren 7koa, Euskadiko Toki Erakundeei buruzkoa; eta 38/2003 Lege orokorra, azaroaren 17koa, Diru-laguntzei buruzkoa.

Oinarri hauetan edo eskaera egiteko dagozkion inprimakietan hala adierazten denean, datu pertsonalei buruzko informazioa entregatzea derrigorrezkoa izango da eta horiek ez emateak edo datu okerrak emateak eskaera kudeatu ahal izatea ekidingo du.

Oinarri hauetan araututako laguntzen onuradun diren pertsona eskatzaileek emandako datu pertsonalak, hala badagokio, laguntza horien finantzaketan parte hartzen duten edota horien kudeaketan Donostia Sustapenarekin kolaboratzen duten erakunde

nazionalei edo nazioz gaindiko erakundeei laga ahalko zaizkie, hori beharrezkoa denean eta soilik emakida kudeatzeko xedez.

Halaber, jakinarazten da laguntzak emateak berekin ekarriko duela pertsona onuradunaren identifikazioko datuak komunikatu edo lagatzea, horiek, emandako laguntzaren zenbatekoarekin batera, Donostia Sustapenaren web-orrialdean nahiz Dirulaguntzen Datu Base Nazionalean argitaratuz.

Ez da aurreikusten datuak hirugarrenei modu gehigarrian komunikatzea, legezko betebeharra salbuetsita, eta datuen nazioarteko transferentziak ere ez dauden aurreikusita.

Tratamendu honen xede diren datu pertsonalak gorde egingo dira jaso ziren helburua betetzeko eta helburu horretatik erator litezkeen balizko erantzukizunak erabakitzeke eta datuak tratatu ahal izateko behar den denboraz. Artxibo eta dokumentazioari buruzko araudian xedatutakoa izango da aplikatzekoa.

Eragindako pertsonak datuak hartu, zuzendu eta ezabatzeko eskubideak erabil ditzakete, eta baita datuak babesteko indarreko araudian jasotzen diren bestelako eskubideak ere, hala dagokionean, Donostiako Udaleko Udalinfo Zerbitzuaren aurrean (Easo kalea 41, 20006, Donostia).

Eskubideak erabiltzean behar bezala artatua izan ez bada, erreklamazio bat ipini ahalko da Datuak Babesteko Euskal Bulegoaren aurrean. Helbidea: Tomas Zumarraga Dohatsuaren kalea 71, 3. solairua (01008, Gasteiz). Haatik, aldeztatik eta hautaz, Donostiako Datuak Babesteko ordezkariarekin harremanetan jartzeko aukera izango da: dbo@donostia.eus.

14. ARTIKULUA. AZKEN XEDAPENA.

Indarrean sartzea eta onartzea.

Oinarri hauek Gipuzkoako Aldizkari Ofizialaren bidez iragarriko dira eta bertan argitaratu eta hurrengo egunean sartuko dira indarrean.

Interesdunek eskaera aurkezteak bertako Oinarriak osorik onartzea dakar.

Erantzukizunetik salbuestea.

Pertsona onuraduna izango da laguntzen den jarduera egitearen ondorioz, edo aurretik edo ondorengo esku-hartzeen ondorioz sortzen diren kalte pertsonal edota material guztien gaineko erantzule bakarra, Donostia Sustapena kontzeptu horien ondoriozko edozein erantzukizunetik salbuetsita geratuz.

15. ARTIKULUA. ARAUBIDE JURIDIKOA

Ematen diren laguntzak Oinarri hauetan jasotzen diren araei jarraikiz arautuko dira eta, horien ordeztuz, Diru Laguntzen Lege Orokorrean jasotzen diren araei eta hura garatzeko Erregelamenduari jarraikiz, Diru Laguntzen Lege Orokorren Erregelamendua (aurrerantzean DLLOE) onartzeko uztailaren 21eko 887/2006 Errege Dekretuz onartua. Haatik, Diru Laguntzen Lege Orokor horretarako edukia kudeatzeko printzipioei eta 20. artikuluan aipatzen diren informazioei buruzkoei dagokienez eskusiboki, hori guztiori bertako 3.2. artikuluko bigarren letrarekin bat etorrituz, aplikazio hori zehazten duena.

Bestelakoan, DLLO eta DLLOE horiek soilik aplikagarri izango dira oinarri hauetan legezko testu horien gaineko aipu berariazkoak egiten direnean.

Donostian, sinaduraren datan.

Iñigo Olaizola

Donostia Sustapeneko Zuzendari Kudeatzailea